



Službeni
glasnik
Općine
K l j u č

Godina XIV

Broj:6

KLJUČ, 20. Juli 2009. godina

IZDAVAČ:
Općinsko vijeće općine Ključ

ODGOVORNI UREDNIK:
Hasan Bašić

REDAKCIONI ODBOR:
Hamdija Dučanović,
Edhem Bender i
Fadila Salihović

ŠTAMPA:
"Štamparija" Ključ

SADRŽAJ

RJEŠENJE o imenovanju Komisije za ustupanje na korištenje-davanje pod zakup poljoprivrednog zemljišta u svrhu obrade poljoprivrednog zemljišta koje je vlasništvo USK-a (do 10 ha poljoprivrednim proizvođačima – fizičkim licima)	3
RJEŠENJE o imenovanju Komisije	3
ODLUKU o utvrđivanju radnog vremena u ugostiteljskoj i turističkoj djelatnosti, djelatnosti obrta i srodnih djelatnosti , trgovinskoj djelatnosti, igara za zabavu i igara na sreću na području općine Ključ	4-6
ODLUKU o izmjeni i dopuni Odluke o proglašenju pješačke zone na dijelu ulice Branilaca BiH	6
ODLUKU o utvrđivanju jedinice mjere i propisivanju načina obrazovanja cijena komunalne usluge	6
ZAKLJUČAK o davanju saglasnosti	7
RJEŠENJE o razrješenju člana Nadzornog odbora JU»Centar za kulturu i obrazovanje» Ključ.....	7
RJEŠENJE o konačnom imenovanju člana Nadzornog odbora JU»Centar za kulturu i obrazovanje» Ključ	7

Na osnovu člana 37. Statuta općine Ključ – Prečišćen tekst («Službeni glasnik općine Ključ», broj:10/08 i 3/09), Odluke Vlade Unsko-sanskog kantona, broj:03-017-1394/2009 od 05.03.2009. godine i Odluke Općinskog vijeća općine Ključ, broj:05-02-776/09 od 09.04.2009.godine, Općinski načelnik općine Ključ, donosi

R J E Š E N J E

o imenovanju Komisije za ustupanje na korištenje-davanje pod zakup poljoprivrednog zemljišta u svrhu obrade poljoprivrednog zemljišta koje je vlasništvo USK-a (do 10 ha poljoprivrednim proizvođačima – fizičkim licima).

I

Imenuje se Komisija u sastavu:

- | | |
|---------------------|------------------------|
| - Zečević Senad | - predsjednik Komisije |
| - Bajrić Emilija | - član |
| - Botonjić Šukrija | - član |
| - Mujezinović Nijaz | - član |

II

Zadatak Komisije je da shodno važećim zakonskim propisima postupi po zahtjevima poljoprivrednih proizvođača koji su podnijeli pismene zahtjeve da im se dodjeli u zakup zemljište u vlasništvu USK-a/državno poljoprivredno zemljište najkasnije do 31.12.2009. godine.

III

Komisija će donijeti Pravilnik o uslovima-kriterijima, naknadi i vremenskom periodu davanja na privremeno korištenje poljoprivrednog zemljišta kojeg će potpisivati svi članovi Komisije, a nakon toga verificirati Općinski načelnik svojim potpisom.

IV

Komisija će podnijeti pismeni izvještaj Općinskom načelniku, nakon čega će se pojedinačno pristupiti potpisivanju Ugovora o davanju pod zakup poljoprivrednog zemljišta za ekonomsku i proizvodnu 2009.godinu.

V

Rok za izvršenje poslova i zadatka iz tačke II ovog Rješenja je 30.06.2009.godine.

VI

Ovo Rješenje stupa na snagu danom donošenja, a objavit će se u «Službenom glasniku općine Ključ».

JB/ND

Dostavljeno:

- Članovima Komisije 1-4
- Služba za finansije, razvoj i poduzetništvo
- Služba za prostorno uređenje, stambeno-komunalne, imovinsko-pravne i geodetske poslove i katastra nekretnina
- Služba za podršku upravi
- Dosijeu

Broj:05-49-1070/09
Datum, 17.05.2009.godine

OPĆINSKI NAČELNIK
mr.sci Osman Čehajić, s.r.

Na osnovu člana 37. Statuta općine Ključ – Prečišćen tekst («Službeni glasnik općine Ključ», broj:10/08 i 3/09), a na osnovu zahtjeva Službe za finansije, razvoj i poduzetništvo općine Ključ, broj:01-49-1187/09 od 05.06.2009.godine, Općinski načelnik općine Ključ, donosi sljedeće

R J E Š E N J E o imenovanju Komisije

I

Imenuje se Komisija u sastavu:

1. DELIĆ NIJAZ – predsjednik,
2. BAŠIĆ JASNA – član,
3. BOTONJIĆ ŠUKRIJA – član,
4. RISOVIĆ ELVIR – član,
5. KOLJIĆ FIKRET – član,
6. DUČANOVIĆ HAMDIA – član.

II

Zadatak Komisije iz tače I ovog Rješenja je da izradi prijedloge odluka o utvrđivanju radnog vremena za ugostiteljske i trgovinske djelatnosti i djelatnost obrta u skladu sa zakonom.

III

Za koordinaciju rada i administrativne poslove Komisije zadužuje se Služba za finansije, razvoj i poduzetništvo.

IV

Rješenje stupa na snagu danom donošenja, a objaviće se u «Službenom glasniku općine Ključ».

DH/DH

DOSTAVLJENO:

1. A/A,
2. Općinski načelnik općine Ključ,
3. Imenovanim od 1-6,
4. Služba za finansije, razvoj i poduzetništvo,
5. D o s i j e u.-

Broj:05-49-1208/09
Datum, 08.06.2009.godine

OPĆINSKI NAČELNIK
mr.sci Osman Čehajić, s.r.

Na osnovu člana 13. Zakona o principima lokalne samouprave u F BiH («Službene novine F BiH» broj: 49/06), člana 20. stav 2. Zakona o trgovini («Službene novine F BiH», broj:64/04), člana 11. stav. 2 Zakona o ugostiteljskoj djelatnosti («Sl. novine F BiH» broj: 32/09), Zakona o turističkoj djelatnosti («Sl. novine F BiH» broj: 32/09), člana 40. Zakona o obrtu i srodnim djelatnostima («Sl. novine F BiH» broj: 35/09), i člana 23. stav 1. Statuta općine Ključ – prečišćeni tekst («Službeni glasnik općine Ključ», broj:10/08 i 3/09), Općinsko vijeće općine Ključ na svojoj **IX** sjednici, održanoj dana 25.06.2009.godine, d o n o s i

O D L U K U
o utvrđivanju radnog vremena u ugostiteljskoj i turističkoj djelatnosti, djelatnosti obrta i srodnih djelatnosti, trgovinskoj djelatnosti, igara za zabavu i igara na sreću na području općine Ključ

I - OPĆE ODREDBE

Član 1.

Ovom Odlukom utvrđuje se okvirno radno vrijeme i raspored radnog vremena u ugostiteljskoj i turističkoj djelatnosti, djelatnosti obrta i srodnih djelatnosti, trgovinskoj djelatnosti, igara za zabavu i igara na sreću.

Član 2.

Pravna i fizička lica koja obavljaju djelatnosti navedene u članu 1. ove Odluke dužni su da donesu Odluku o rasporedu radnog vremena pridržavajući se pri tome rasporeda radnog vremena utvrđenog ovom Odlukom.

Član 3.

Pravna i fizička lica koja obavljaju djelatnost iz člana 1. ove Odluke dužni su istaknuti obavijest o radnom vremenu na vidnom mjestu na ulazu u poslovne prostorije.

Član 4.

Radno vrijeme objekata u kojima se obavljaju djelatnosti iz člana 1. ove Odluke raspoređuju se na ljetni i zimski vremenski period. Ljetni vremenski period traje od 01. aprila – 30. septembra. Zimski vremenski period traje od 01. oktobra tekuće do 31. marta naredne godine.

II - RADNO VRIJEME UGOSTITELJSKE I TURISTIČKE DJELATNOSTI

Član 5.

Radno vrijeme ugostiteljskih objekata određuje se:

- u zimskom periodu od 06-23 sata
- u ljetnom periodu od 06-24 sata

Član 6.

Radno vrijeme ugostiteljskih objekata iz skupine barovi (noćni klub, noćni bar, disco bar i disco klub), koji, u skladu sa važećim propisima, u pravilu rade noću određuje se od 20 sati tekućeg do 05 sati narednog dana.

Član 7.

Radno vrijeme ugostiteljskih objekata (saloni za posebne prilike, restorani i dr.) u kojima se organizuju svečanosti i zabave (maturalna zabava, svadba, proslava godišnjica, kulturni program i sl.), uz prethodno pribavljenu saglasnost od Policijske stanice Ključ, određuje se od 19 sati tekućeg do 05 sati narednog dana.

Član 8.

Izvođenje žive muzike i upotreba uređaja za reprodukciju muzike će se provoditi u okviru propisanog radnog vremena.

Član 9.

Radno vrijeme ugostiteljskih objekata koji pružaju usluge noćenja (radno vrijeme prijemnog hola – recepcije) određuje se od 00 do 24 sata.

Član 10.

Radno vrijeme turističkih agencija i njihovih poslovnih jedinica, koje imaju organizovanu mjenjačku službu ili prodaju voznih isprava (karata), određuje se od 08 do 20 sati.

Član 11.

Ugostiteljski objekti svih vrsta, koji posluju u sklopu objekata, autobuske stanice, benzinskih pumpi, gradske tržnice ili pijace, posluju u radnom vremenu objekata u kojem se nalaze.

III - RADNO VRIJEME DJELATNOSTI OBRTA I SRODNIH DJELATNOSTI

Član 12.

Radno vrijeme objekata u kojima se pružaju zanatske usluge, određuje se od 07 do 20 sati u ljetnom periodu i od 07 do 19 sati u zimskom periodu, osim u industrijskoj zoni.

IV – RADNO VRIJEME OBJEKATA ZA PRIREĐIVANJE IGARA ZA ZABAVU I IGARA NA SREĆU

Član 13.

Radno vrijeme objekata u kojima se priređuju igre na sreću (kasino, igre na sreću na automatima i kladioničke igre), određuje se od 00 do 24 sata.

Član 14.

Radno vrijeme objekata u kojima se priređuju zabavne igre (igre na računarima, simulatorima, video-automatima, fliperima, pikado, bilijar i sl.), određuje se od 08 do 22 sata u ljetnom periodu i od 08 do 20 sati u zimskom periodu. U slučaju kada se zabavne igre iz stava 1. ovog člana priređuju u ugostiteljskom objektu, isti posluju u radnom vremenu objekta u kojem se nalaze.

V – RADNO VRIJEME TRGOVINSKIH DJELATNOSTI

A - TRGOVINA NA MALO I MINIMARKETI (SAMOPOSŁUGE)

Član 15.

Radno vrijeme trgovine na malo, minimarketi (samoposluga) rade u ljetnom periodu od 07 do 22 sata, a u zimskom od 07 do 21 sat.

1. Radno vrijeme nedjeljom je od 07 do 20 sati, a u dane državnih praznika od 07 do 14 sati.

Izuzetno od odredbi prethodnog stava ovog člana trgovine na malo i minimarketi (samoposluge) koji ne mogu obezbjediti neprekidno radno vrijeme mogu raditi dvokratno.

Član 16.

Trgovina na malo i minmarketi (samoposluge) na dan pred državnih praznika rade od 07 do 21 sat.

B - OSTALI PRODAJNI OBJEKTI**KNJIŽARE****Član 17.**

Knjižare rade svakim radnim danom od 07 do 20 sati.

KIOSCI ZA NOVINE**ČLAN 18.**

Kiosci za novine rade svakim radnim danom od 06 do 19 sati, a nedjeljom od 07 do 12 sati.

MESNICE**Član 19.**

Mesnice rade svakim radnim danom od 07 do 20 sati, a neradnim danima (nedjelja i državni praznici) od 07 do 12 sati.

PRODAVNICE AUTODIJELOVA – STOVARIŠTA I BENZINSKE PUMPE**Član 20.**

Prodavnice autodijelova rade svakim radnim danom od 07 do 19 sati.

Prodavnice građevinskog materijala (stovarišta) rade svakim radnim danom od 07 do 19 sati.

Benzinske pumpe rade svakim danom i u neradne dane non – stop.

TRŽNICE**Član 21.**

Pijaca u Ključu radi jednom sedmično i to subotom od 06 do 14 sati, a pijaca u Sanici utorkom od 06 do 14 sati. Ukoliko državni praznik pada u subotu pijaca se pomjera na dan pred praznik.

Član 22.

Nadležni Općinski organ može utvrditi radno vrijeme za prodaju roba izvan prodavnice (tržnice, sajmovi, izložbe itd.), ako se za to ukaže potreba.

APOTEKE**Član 23.**

Apoteke rade svakim radnim danom od 07 do 20 sati, a nedjeljom i u dane državnih praznika su dužne odrediti dežurstvo u roku od 30 dana od dana donošenja ove Odluke i dostaviti ga Jedinstvenom općinskom organu uprave Ključ.

Ukoliko u datom roku ne postupe u skladu sa stavom 1. ovog člana Općinski načelnik može radi osiguranja neophodne opskrbe građana, odrediti apoteke koje su dužne raditi u dane državnih praznika i u neradne dane.

VI – OGRANIČAVANJE RADNOG VREMENA**Član 24.**

Ako se obavljanjem ugostiteljske, turističke, trgovinske, obrtničke i srodne djelatnosti uznemiravaju građani koji rade ili stanuju u susjedstvu Općinski načelnik, putem nadležne službe, može po prethodno pribavljenom mišljenju Policijske stanice Ključ ograničiti radno vrijeme objektu do 20 sati.

Izuzetno od odredbi prethodnog stava ovog člana, ne može se ograničiti radno vrijeme obrtničke ili druge djelatnosti koje se zbog prirode tehnološkog procesa moraju obavljati neprekidno, danju i noću, ili samo noću.

Član 25.

Zahtjev za pokretanje postupka za ograničenje radnog vremena iz prethodnog člana ove Odluke na inicijativu građana podnosi Savjet Mjesne zajednice na čijem području se objekat nalazi.

Član 26.

Pravno i fizičko lice, vlasnik ugostiteljskog objekta, trgovinskog ili drugog objekta kome je ograničeno radno vrijeme može pokrenuti postupak za ukidanje ograničenja radnog vremena nakon isteka roka od 6 mjeseci od pravosnažnosti rješenja o ograničenju radnog vremena.

Prilikom odlučivanja o zahtjevu iz prethodnog stava ovog člana potrebno je o istom zatražiti mišljenje Policijske stanice Ključ i savjeta Mjesne zajednice.

VII - NADZOR**Član 27.**

Nadzor nad provođenjem ove Odluke vrše nadležne Kantonalne inspekcije, komunalni redari i službenici Policijske stanice Ključ.

VIII - KAZNE NE ODREDBE**Član 28.**

Novčanom kaznom kaznit će se fizičko i pravno lice koje obavlja djelatnost iz člana 1. ove Odluke, ako posluje protivno odredbama ove Odluke.

IX - PRELAZNE I ZAVRŠNE ODREDBE**Član 29.**

Općinsko Vijeće ovlašćuje Općinskog načelnika da može za djelatnosti iz člana 1. ove Odluke posebnom naredbom, u dane praznika, odrediti drugačije radno vrijeme od radnog vremena propisanog ovom Odlukom ako ocijeni da za to postoje opravdani razlozi.

Član 30.

Pravna i fizička lica koja obavljaju djelatnosti iz člana 1. ove Odluke dužna su svoje radno vrijeme uskladiti sa odredbama ove Odluke u roku od 30 dana od dana njenog stupanja na snagu.

Član 31.

Stupanjem na snagu ove Odluke prestaje da važi Odluka o radnom vremenu u ugostiteljskim objektima na području općine Ključ broj: 05-02-84/03 od 11.06.2003. godine i Odluka o radnom vremenu prodajnih objekata broj: 05-02-217/05 pd 10.02.2005. godine.

Član 32.

Ova Odluka stupa na snagu danom objavljivanja u «Službenom glasniku općine Ključ.»

Broj: 05-02- 1448/09
Datum: 02.07.2009.god.

PREDSJEDAVAJUĆI
OPĆINSKOG VIJEĆA
Fadil Jakupović,s.r.

Na osnovu člana 14.stav 3. Zakona o komunalnim djelatnostima («Službeni glasnik USK», broj:8/05) i člana 4. stav 3. Odluke o komunalnim djelatnostima («Službeni glasnik općine Ključ», broj:2/07) i člana 23.stav 1. tačka 19. Statuta općine Ključ – Prečišćeni tekst («Službeni glasnik općine Ključ», broj:10/08 i 3/09), Općinsko vijeće općine Ključ na svojoj **IX** sjednici, održanoj dana 25.6.2009.godine, d o n i j e l o j e

O D L U K U**o utvrđivanju jedinice mjere i propisivanju načina obrazovanja cijena komunalne usluge****Član 1.**

Ovom Odlukom utvrđuje se jedinica mjere i propisuje način obrazovanja cijena komunalne usluge prikupljanja, odvoza i deponovanja smeća.

Član 2.

Jedinice mjere obračuna cijena komunalne usluge prikupljanja, odvoza i deponovanja smeća za pravna i fizička lica koja obavljaju registriranu djelatnost je kvadratni metar poslovnog prostora, a za domaćinstva je član domaćinstva.

Davalac komunalne usluge može za određenu kategoriju korisnika i vanredne situacije odvoza smeća utvrditi jedinicu mjere i po odveženom kontejneru.

Davalac komunalne usluge podjelit će korisnike pravna i fizička lica u određene grupe za koje će utvrditi različite cijene usluga po m², zavisno od njihove registrirane djelatnosti.

Član 3.

Cijena komunalne usluge za pravna i fizička lica koja obavljaju registriranu djelatnost sastoji se od fiksnog dijela (paušala), kojeg u istom iznosu plaćaju svi korisnici i varijabilnog dijela, koji se utvrđuje množenjem broj m² poslovnog prostora korisnika sa utvrđenom cijenom grupe u koju je korisnik svrstan od strane davaoca komunalne usluge.

Član 4.

Cijena komunalne usluge odvoza smeća za domaćinstva sastoji se od fiksnog dijela (paušala) kojeg u istom iznosu plaća svako domaćinstvo i varijabilnog dijela utvrđenog množenjem broja članova domaćinstva sa utvrđenom cijenom po članu od strane davaoca usluge.

Naknada za izvršenu uslugu odvoza smeća će se obračunavati za domaćinstva do 5 članova, a za svakog narednog člana se neće obračunavati.

Cijena komunalne usluge za povremene korisnike sastoji se od fiksnog dijela (paušala), dok bi se varijabilni dio utvrđen na način kao u prethodnom stavu obračunavao jednom godišnje u vrijeme kada korisnik boravi u stanu-kući.

Član 5.

Ova odluka stupa na snagu danom davanja saglasnosti Općinskog vijeća na Cjenovnik usluga, a objavit će se u Službenom glasniku općine Ključ.

Član 6.

Stupanjem na snagu ove Odluke stavlja se van snage Odluka o komunalnim uslugama Općinskog vijeća općine Ključ, broj:05-02-68/04 od 21.06.2004.godine.

Broj: 05-02- 1207-1 /09
Datum, 3.7.2009.godine

PREDSJEDAVAJUĆI
OPĆINSKOG VIJEĆA
Fadil Jakupović,s.r.

Na osnovu člana 156. Zakona o sigurnosti saobraćaja na putevima («Službeni glasnik US Kantona», broj:4/97) i člana 23.stav 1. tačka 29. Statuta općine Ključ –prečišćeni tekst («Službeni glasnik općine Ključ», broj:10/08 i 3/09), Općinsko vijeće općine Ključ, na svojoj **IX** sjednici, održanoj dana 25.6. 2009. godine, d o n o s i

O D L U K U**o izmjeni i dopuni Odluke o proglašenju pješačke zone na dijelu ulice Branilaca BiH****Član 1.**

U Odluci o proglašenju pješačke zone na dijelu ulice Branilaca BiH, broj:05-02-1199/09 od 08.06.2009.godine u članu 1. i 5. riječ «fontane» zamjenjuju se sa riječima «raskrsnice sa ulicom Izeta Nanića».

Član 2.

Ova Odluka stupa na snagu danom donošenja, a objavit će se u «Službenom glasniku općine Ključ».

Broj: 05-02-1199-1 /09
Datum, 26.6.2009.godine

PREDSJEDAVAJUĆI
OPĆINSKOG VIJEĆA
Fadil Jakupović,s.r.

Na osnovu člana 118.stav 3. Statuta općine Ključ – Prečišćen tekst («Službeni glasnik općine Ključ», broj:10/08 i 3/09), Općinsko vijeće općine Ključ na svojoj IX sjednici, održanoj dana 25.6.2009.godine, donosi

Z A K L J U Č A K o davanju saglasnosti

I

Daje se saglasnost Općinskom načelniku općine Ključ da organizuje i sprovede anketu na području općine Ključ u okviru Projekat izrade socijalne karte općine Ključ.

II

Ovaj Zaključak stupa na snagu danom donošenja, a objavit će se u «Službenom glasniku općine Ključ».

Broj:05-02- 1450/09
Datum, 3.7.2009.godine

PREDSJEDAVALAČI
OPĆINSKOG VIJEĆA
Fadil Jakupović,s.r.

Na osnovu člana 34. Zakona o ustanovama («Službeni list R BiH», broj:6/92, 8/93 i 13/94) i člana 23.stav 1. tačka 18.Statuta općine Ključ – Prečišćeni tekst («Službeni glasnik općine Ključ», broj:10/08 i 3/09), Općinsko vijeće općine Ključ, na svojoj IX sjednici, održanoj dana 25.6.2009.godine, donosi

R J E Š E N J E o razrješenju člana Nadzornog odbora JU»Centar za kulturu i obrazovanje» Ključ

I

BAJRIĆ FIKRET iz Ključa razrješava se dužnosti člana Nadzornog odbora JU»Centar za kulturu i obrazovanje» Ključ iz reda osnivača na osnovu pismene ostavke zbog nespojivosti funkcija obzirom da je izabran za vijećnika Općinskog vijeća općine Ključ na lokalnim izborima u općini Ključ 05.10.2008.godine.

II

Ovo Rješenje stupa na snagu danom donošenja, a primjenjivat će se od 04.11.2008.godine i objaviće se u «Službenim novinama Federacije BiH» i «Službenom glasniku općine Ključ».

Broj:05-02- 1451/09
Datum, 3.7.2009.godine

PREDSJEDAVALAČI
OPĆINSKOG VIJEĆA
Fadil Jakupović,s.r.

Na osnovu člana 12. stav 3. i člana 13. Zakona o ministarskim, vladinim i drugim imenovanjima Federacije Bosne i Hercegovine («Službene novine F BiH», broj:12/03), člana 34. Zakona o ustanovama («Službeni list R BiH», broj:6/92, 8/93 i 13/94) i člana 23.stav 1. tačka 18.Statuta općine Ključ – Prečišćeni tekst («Službeni glasnik općine Ključ», broj:10/08 i 3/09), a nakon provedene procedure izbora kandidata po Javnom oglasu za izbor i imenovanje člana Nadzornog odbora JU»Centar za kulturu i obrazovanje» Ključ, Općinsko vijeće općine Ključ, na svojoj IX sjednici, održanoj dana 25.6.2009.godine, donosi

R J E Š E N J E o konačnom imenovanju člana Nadzornog odbora JU»Centar za kulturu i obrazovanje» Ključ

I

Za člana Nadzornog odbora JU»Centar za kulturu i obrazovanje» Ključ iz reda osnivača imenuje se:

AVDIĆ SENIJA iz Ključa, VSS, bachelor ekonomije.

II

Mandat člana Nadzornog odbora iz tačke I ovog Rješenja traje do isteka mandata članova Nadzornog odbora JU»Centar za kulturu i obrazovanje» Ključ, imenovanih Rješenjem Općinskog vijeća općine Ključ, broj:05-02-722-1/07 od 08.06.2007.godine.

III

Protiv ovog Rješenja može se uputiti prigovor bilo koji član javnosti.
Prigovor se podnosi odgovornom javnom službeniku – Općinskom vijeću općine Ključ – Komisiji za žalbe, a kopija prigovora ombudsmenu za ljudska prava Federacije Bosne i Hercegovine.

IV

Ovo Rješenje stupa na snagu danom donošenja, a objaviće se u «Službenim novinama F BiH» i «Službenom glasniku općine Ključ».

Broj:05-02- 1452/09
Datum, 3.7.2009.godine

PREDSJEDAVALAČI
OPĆINSKOG VIJEĆA
Fadil Jakupović,s.r.